

# Ներդիր թերթիկ՝ տեղեկություններ պացիենտի համար Տեղակային 10 մգ/մլ (1 %), ակնակաթիլներ Տեղակային

**11 խիցան դեղն ընդունելն ամբողջությամբ կարողացեք ներդիր թերթիկը, քանի որ այն պարունակում է Ձեզ համար կարևոր տեղեկություններ:**

- Պահպանեք ներդիր թերթիկը: Հնարավոր է, որ Դուք ցանկանաք ևս մեկ անգամ ընթերցել այն:
- Եթե Ձեզ մոտ ծագել են լրացուցիչ հարցեր, դիմեք բուժող բժշկին կամ դեղատան աշխատողին:
- Դեղը նշանակված է հենց Ձեզ համար: Մի փոխանցեք այն այլ մարդկանց: Այն կարող է վնասել նրանց, նույնիսկ եթե նրանց հիվանդության ախտանիշները համընկնում են Ձեր ախտանիշների հետ:
- Եթե Ձեզ մոտ առաջացել է որևէ անցանկալի ռեակցիա, ապա դիմեք բուժող բժշկին կամ դեղատան աշխատողին: Տվյալ ուղեցույցը տարածվում է ցանկացած հնարավոր անցանկալի ռեակցիայի վրա, այդ թվում՝ ներդիր թերթիկի 4-րդ բաժնում չթվարկվածների վրա:

## **ՆԵՐԴԻՐ ԹԵՐԹԻԿԻ ԲՈՎԱՆԱԿՈՒԹՅՈՒՆԸ**

1. Ինչ է Տեղակային դեղը և ինչի համար է այն օգտագործվում
2. Ինչ պետք է իմանալ Տեղակային դեղը կիրառելուց առաջ
3. Տեղակային դեղի կիրառումը
4. Հնարավոր անցանկալի ռեակցիաները
5. Տեղակային դեղի պահպանումը
6. Փաթեթվածքի պարունակությունը և այլ տեղեկություններ

## **1. ԻՆՉ Է ՏԵՏՐԱԿԱՅԻՆ ԴԵՂԸ ԵՎ ԻՆՉԻ ՀԱՄԱՐ Է ԱՅՆ ՕՁՏԱԳՈՐԾՎՈՒՄ**

Տեղակային դեղը տեղային անզգայացնող միջոց է: Օգտագործվում է աչքի կարճատև ցավազրկման (թմրեցման) համար: Ձեր բժիշկը կարող է օգտագործել այն՝ աչքի զննման կամ բուժման ժամանակ ցավը մեղմացնելու համար: Չպետք է կիրառել դեղը անհաս երեխաների մոտ:

## **2. ԻՆՉ ՊԵՏՔ Է ԻՄԱՆԱԼ ՏԵՏՐԱԿԱՅԻՆ ԴԵՂԸ ԿԻՐԱՌԵԼՈՒՄՑ ԱՌԱՋ**

### **Չկիրառել Տեղակային դեղը՝**

- եթե Դուք ունեք գերզգայունություն (ալերգիա) Տեղակայինի, նույն խմբի այլ տեղային անզգայացնողների կամ դեղի ցանկացած այլ բաղադրիչի հանդեպ (տե՛ս 6-րդ բաժինը):
  - եթե Դուք ընդունում եք «սուլֆանիլամիդներ» կոչվող դեղամիջոցներ, որոնք օգտագործվում են բակտերիալ վարակների կամ շաքարային դիաբետի բուժման համար:
  - անհաս երեխաների մոտ:
- Եթե վերը թվարկվածներից որևէ մեկը վերաբերում է Ձեզ, ապա խորհրդակցեք բժշկի հետ:

### **Հատուկ ցուցումներն ու նախազգուշական միջոցները**

Տեղակային դեղը նախատեսված չէ երկարատև օգտագործման համար: Աչքի մեջ տեղային անզգայացնողի հաճախակի կիրառումը կարող է լուրջ անբարենպաստ ազդեցություն ունենալ Ձեր տեսողության վրա:

### **Հայումային ոսպնյակներ**

Եթե Դուք կրում եք հայումային ոսպնյակներ, Ձեր բժիշկը խորհուրդ կտա Ձեզ հանել դրանք կաթեցումից առաջ և կրկին դնել, երբ դեղի ազդեցությունը լիովին անցնի:

### **Բենզալկոնիոմի քլորիդ**

Տեղակային դեղը պարունակում է կոնսերվանտ՝ բենզալկոնիոմի քլորիդ, որը կարող է կլանվել փափուկ հայումային ոսպնյակների կողմից և առաջացնել դրանց գույնի փոփոխություն:

Բենզալկոնիոմի քլորիդը նաև կարող է առաջացնել աչքերի գրգռվածություն, հատկապես եթե Դուք ունեք աչքերի չորություն կամ եղջերաթաղանթի հիվանդություններ:

### **Այլ դեղեր և Տեղակային դեղը**

Տեղեկացրեք բուժող բժշկին կամ դեղատան աշխատողին, եթե ընդունում եք, վերջերս ընդունել եք կամ կարող եք սկսել ընդունել որևէ այլ դեղ, այդ թվում՝ առանց դեղատոմսի բաց թողնվող:

Չպետք է կիրառել Տեղակայինը սուլֆանիլամիդներ ստացող պացիենտների մոտ:

### **Հղիությունը և կրծքով կերակրելը**

Եթե Դուք հղի եք կամ կերակրում եք կրծքով, կարծում եք, որ հղիացել եք, կամ պլանավորում եք հղիանալ, ապա տեղեկացրեք այդ մասին Ձեր բժիշկին: Ձեր բժիշկը կորոշի՝ արդյոք Դուք կարող եք օգտագործել տվյալ դեղը կամ այն կփոխարինի մեկ ուրիշ այլընտրանքային դեղամիջոցով:

### **Տրանսպորտային միջոցը կառավարելը և մեխանիզմների հետ աշխատելը**

Տեղակային դեղը կիրառելուց հետո Ձեզ մոտ կարող է առաջանալ տեսողության ժամանակավոր մշուշոտություն: Մի կառավարեք տրանսպորտային միջոցներ կամ մեխանիզմներ այնքան ժամանակ, քանի դեռ նմանատիպ ախտանիշները չեն անհետացել:

## **3. ՏԵՏՐԱԿԱՅԻՆ ԴԵՂԻ ԿԻՐԱՌՈՒՄԸ**

Բժիշկն օգտագործում է այս ակնակաթիլները Ձեր աչքերը զննելու համար:

### **Դեղի ցուցվող դեղաչափը՝** 1 կաթիլ աչքերից մեկի կամ երկուսի մեջ:

Անհրաժեշտության դեպքում Ձեր բժիշկը խորհուրդ կտա օգտագործել մեկ կաթիլից ավելի:

Ձեր բժիշկը կամ բուժքույրը կկաթեցնի կաթիլները Ձեր աչք(եր)ի մեջ:

Դեպի քթի խոռոչ և կոկորդ դեղի արտահոսքի նվազեցման համար բժիշկը կամ բուժքույրը Ձեզ խորհուրդ կտան 3 րոպեի ընթացքում մատուց գզուշորեն սեղմել աչքի

ներսի անկյունը, ինչը հատկապես կարևոր է երեխաների, տարեց մարդկանց և ռիսկի խմբում գտնվող պացիենտների համար:

Դուք կզգաք աչքի թմրածություն (կաթիլների քանակից կախված): Մի դիպեք աչքերին մինչև դեղի ազդեցությունը չավարտվի:

Ձեր բժիշկը կհոգա այն մասին, որպեսզի Ձեր աչքերը պաշտպանված լինեն ինչպես հարկն է:

#### **Եթե Դուք կիրառել եք Տետրակային դեղը պետք եղածից ավելի**

Գերդոզավորումը քիչ հավանական է: Եթե կաթեցումից հետո Ձեզ վատ զգաք, հայտնեք այդ մասին Ձեր բժշկին կամ բուժքրոջը, կամ անհապաղ դիմեք մոտակա անհետաձգելի օգնության բաժանմունք:

#### **4. ՀՆԱՐԱՎՈՐ ԱՆՑԱՆԿԱԼԻ ՌԵԱԿՑԻԱՆԵՐԸ**

Ինչպես բոլոր դեղամիջոցները, տվյալ դեղը կարող է առաջացնել անցանկալի ռեակցիաներ, սակայն դրանք առաջանում են ոչ բոլոր պացիենտների մոտ:

Դեղը կաթեցնելիս կարող է առաջացնել ժամանակավոր այրոցի զգացում, Ձեր տեսողությունը կարող է դառնալ ոչ հստակ:

Երբեմն դեղի կարճաժամկետ կիրառումից հետո աչքերի շուրջ գտնվող մաշկը կարող է բորբոքվել, նաև կարող է դիտվել եղջերաթաղանթի մակերեսային արատ կամ այտուց: Եթե Ձեզ մոտ հայտնվի քոր, անհարմարություն, ցավոտություն աչքերի շուրջ կամ տեսողության պղտորում, ապա Դուք պետք է հայտնեք այդ մասին Ձեր բժշկին կամ բուժքրոջը:

Ցավազրկող ակնակաթիլների երկարատև ներմուծման դեպքում հնարավոր է զարգանա եղջերաթաղանթի վնասվածք:

Եթե կողմնակի ազդեցություններից որևէ մեկը դառնում է լուրջ, անհապաղ դիմեք բժշկական օգնության: Եթե Ձեզ մոտ ծագել է որևէ կողմնակի ազդեցություն, որը նշված չէ տվյալ ներդիր թերթիկում, ապա հայտնեք այդ մասին Ձեր բժշկին կամ բուժքրոջը:

#### **Անցանկալի ռեակցիաների մասին հաղորդելը**

Եթե Ձեզ մոտ առաջանում է որևէ անցանկալի ռեակցիա, ապա խորհրդակցեք բուժող բժշկի կամ դեղատան աշխատողի հետ: Տվյալ ուղեցույցը տարածվում է ցանկացած հնարավոր անցանկալի ռեակցիայի վրա, այդ թվում՝ ներդիր թերթիկում չթվարկվածների վրա: Անցանկալի ռեակցիաների մասին Դուք կարող եք նաև հաղորդել անմիջապես Եվրասիական տնտեսական միության անդամ պետությունների հաղորդակցության համակարգի միջոցով:

#### **Հայաստանի Հանրապետություն**

«Լիկվոր» ՓԲԸ

0089, Երևան, Զոչինյան 7/9

Հեռ.՝ (374 93) 47 74 68, (374 15) 37 88 03

Էլ. փոստ՝ a.bazeyan@liqvor.com

#### **5. ՏԵՏՐԱԿԱՅԻՆ ԴԵՂԻ ԴԱՀՊԱՆՈՒՄԸ**

Պահպանեք 25°C-ից ոչ բարձր ջերմաստիճանի պայմաններում: Պահպանեք երեխաների համար անհասանելի վայրում:

Մի օգտագործեք դեղը սրվակի և տուփի վրա «պիտանի է մինչև»-ից հետո նշված պիտանիության ժամկետը (պահպանման ժամկետը) լրանալուց հետո: Պիտանիության ժամկետի լրանալու ամսաթիվը փաթեթվածքի վրա նշված ամսվա վերջին օրն է:

Բացելուց հետո սրվակի պարունակությունը օգտագործեք 1 ամսվա ընթացքում:

Դեղերը մի նետեք (մի թափեք) կոյուղու (ջրմուղի) մեջ: Ճշտեք դեղատան աշխատողից՝ ինչպես ազատվել այն դեղերից, որոնք այլևս պետք չեն: Այդ միջոցները թույլ կտան պաշտպանել շրջանելի վայրում:

#### **6. ՓԱԹԵԹՎԱԾՔԻ ԴՊՐՈՒՆԿՈՒԹՅՈՒՆԸ ԵՎ ԱՅՆ ՏԵՂԵԿՈՒԹՅՈՒՆՆԵՐ**

Դեղի յուրաքանչյուր միլիլիտր պարունակում է *ակտիվ նյութ*՝ Տետրակայինի հիդրոքլորիդ՝ 10 մգ:

*Օժանդակ նյութեր*. բենզալկոնիոլումի քլորիդ՝ 0,05 մգ/մլ, նատրիումի քլորիդ, ներարկման ջուր:

#### **Տետրակային դեղի արտաքին տեսքը և փաթեթվածքի պարունակությունը**

**Տետրակային** ակնակաթիլներ դեղը անգույնից մինչև թեթև դեղնավուն գույնի թափանցիկ լուծույթ է:

Դեղի 10-ական միլիլիտր՝ պոլիէթիլենային սրվակ-կաթոցիկում: Յուրաքանչյուր սրվակ բժշկական կիրառման հրահանգի (ներդիր թերթիկ) հետ միասին տեղադրված է սովորաբար թուփի մեջ:

#### **Գրանցման հավաստագրի իրավատերը**

«Լիկվոր» ՓԲԸ, Հայաստանի Հանրապետություն, 0089, Երևան, Զոչինյան 7/9

#### **Արտադրող**

**LIQVOR**<sup>®</sup>  
pharmaceuticals

«Լիկվոր» ՓԲԸ, Հայաստան,

0089, Երևան, Զոչինյան 7/9

Հեռ.՝ +37460 37 88 00

Էլ. փոստ՝ info@liqvor.com

Դեղի վերաբերյալ ցանկացած տեղեկություն ստանալու, ինչպես նաև բողոքների առկայության դեպքում պետք է դիմել գրանցման հավաստագրի իրավատիրոջ ներկայացուցչին կամ գրանցման հավաստագրի իրավատիրոջը:

Հայաստանի Հանրապետություն

0089, Երևան, Զոչինյան 7/9

Հեռ.՝ (37460) 37 88 00

Էլ. փոստ՝ [info@liqvor.com](mailto:info@liqvor.com)

**Ներդիր թերթիկի վերանայման ամսաթիվ՝ 31.07.2024, ԳՀ ՊՈ-№(006443)-(ՔԳ-ԱՄ)**